



ШЫН

НИИТИЛЭЛ-ПОЛИТИКТИГ СОЛУН

1925 чылдың
август 31-де үнүп
эгелээн

№ 148 (16758)

2003 чылдың
НОЯБРЬ 20,
четверг

Ат салган шагы 15.30
Садар өртээ 3 рубль.

Республикага Иениң хүнүн эрттирер дугайында ТЫВА РЕСПУБЛИКАНЫҢ ЧАЗААНЫҢ ДОКТААЛЫ

2003 чылдың ноябрь 14 №800 Кызыл хоорай

Россия Федерациязының Президентизиниң "Иениң хүнү" деп күрүнө байырлалын тургузар дугайында" 1998 чылдың январь 30-де №120 Чарлыын күүседире-биле Тыва Республиканың Чазаның доктаадыры болза:

1. Республикага Иениң хүнүн организациястаар болгаш эрттирер-биле дараазында оргкомитеттин составын болгаш чорудар хемчеглерниң планын бадылаар.

2. 2003 чылдың ноябрь 27-де Тыва Республиканың Чазак Даргазының маадыр иелер, эртемденнер болгаш хөй-ниитиниң төлээлери-биле ужуражышкынын эрттирер.

3. Тыва Республиканың Саңхөө яамызы Иениң хүнүн эрттирери-биле дараазында яамылар, ведомстволар болгаш фондупарның чарыгдалдар сметаларының күсели-биле 56,5 муң рубльди:

— өг-бүлени, ие-чашты болгаш уругларны быжыглаар фондудан — 35 муң рубльди;

— Тыва Республиканың Культура болгаш националдар херектериниң талазы-биле яамызындан — 10 муң рубльди;

— Тыва Республиканың Парлалга болгаш информация талазы-биле күрүнө комите-

динден 6,5 муң рубльди;
— Тыва Республиканың Ниити болгаш социал профессионал өөредилге яамызындан — 5 муң рубльди үндүрүп бээр.

4. Күрүнө эрге-чагырга органнары-биле кады (Тыва Республиканың Ниити болгаш профессионал өөредилге яамызы, Тыва Республиканың Күш-ажыл болгаш социал профессионал яамызы, Тыва Республиканың Иштики херектер яамызы) арбаннар, сумулар, кожууннар болгаш хоорайлар аайы-биле уруглар болгаш өг-бүлө кижизидилгезинге адаларның ролун бедидер, арагалаашкын профилактиказының талазы-биле чорудар хемчеглерниң планнарын тургузарын тус чер бот-башкарылга органнарынга, Дайынның болгаш күш-ажылдың хоочуннарының республика чөвүлелинге, Тыва Республиканың Херэ-женнер эвилелинге, кожууннарының херэ-женнер чөвүлелдеринге сүмөлээр.

5. Бо доктаалдың күүселдизи дээш контролду чорударын Тыва Республиканың Чазак Аппаратының Социал политика айтырыгларының талазы-биле эргелинге дагзыр.

Тыва Республиканың Чазак Даргазының бирги оралакчызы А.БРОКЕРТ.



Чоокта чаа, одалга сезонунуң бетинде, ТР-ниң Чазаа республикада кышка белеткелдин айтырыын чугаалашкаш, чүгээр деп демдеглээн болгай. Кажан кыш бодунуң долу эргезинче кирип, соок дыңзып эгелээрге, Кызыл хоорайның

Тургустунуп келген айтырыгны сайгарып чугаалашкы-биле "Тываэнерго" ажык акционер ниитилелдин парламента албаны-биле харылзаштывыс. Одалга сезону эгелээр бетинде муниципалдыг чуртталга фондузу кышка белен эвес дээрзин айтырган турган. Ол херек кырында бадыткаттырган. Ынчангаш хоорайның чуртталга бажыңнарында, албан черлеринде чылыг көрдүнген хемчээлинден чавыс болуп турар. Орта кым буруулуг болганын дээрже "Наш дом" муниципалдыг каттышкан бүдүрүлгелерниң септелге албаны чайгы үеде чамдык чуртталга бажыңнарының батареяларында чыылган элезин, довуракты аштап, чугаан. Чуп, аштап каан бажыңнарда чылыг көрдүнген хемчээлинде чедип турар.

Иий дугаар нарын айтырыг Кызылдың төп ЧЭТ-те хөмүрдаш курлавыры чок деп болур. Ноябрь айның эгезинде хөмүрдаштын курлавыры 4 муң тонна турган, а бир хүнде ЧЭТ-ке 800 тонна хөмүрдашты одаар. Эскээр чугаалаарга, хөмүрдаштын курлавыры үш-дөрт хүнге-ле четчи. Херек кырында 10 хонуктун хөмүрдаш курлавыры ЧЭТ-ке турар ужурулуг. Бо хүнерде ол хире хөмүрдаштын курлавырын садып аптар акша "Тываэнерго" ААН-де чок.

Херек кырында "Тываэнерго" ААН-де өрелиг организация-

ларның саны баш ашкан деп болур. Буураашкында таварышкан "Тывакоммунэнерго" ККБ-ниң өреси 136 млн. рубль четкен. Бүдүрүлгө ол өреси-биле санажып шыдавас дээрзи билдингир. Ынчангаш "Тываэнерго" ААН берге байдалга таварышкан. Ооң-биле чергелештир Кызыл хоорайда улуг өрелиг бүдүрүлгелерни көргүзэргө мындыг: хоорай чагыргазы 12441 муң рубль (ол колдуунда чиигелделиг хамаатыларга хамааржыр), өөредилге килдизи — 1273 муң рубль, хоорайның коммунал ажыл-агыйы — 2421 муң рубль, "Коммунальщик" ККБ — 448 муң рубль, халдавырлыг аарыглар эмнелгези — 114 муң рубль, "Коопстройтранс" КХЭ — 618 муң рубль, чурулга мастерскаязы — 204 муң рубль өрелиг дээш, бо даңзыны оон-даа ыңай уламчылап болур. Ниитизи-биле Кызыл хоорай чагыргазында хамааржып турар бүдүрүлгелерин өреси 20 млн. рубль ашкан.

Хоорай чагыргазы бодунуң талазындан болдунар-ла хемчеглерни ап турар. Бо талазы-биле ТР-ниң Чазаа база анаа көрүп орбайн турар. Тургустунуп келген нарын айтырыгны дарый шиитпирлээр-биле чоокта чаа "Тываэнерго" ААН-че 1,8 млн. рубльди шилчидип берген. Ол бүдүрүлгеге улуг дуза болуп шыдавас. "Тываэнерго" ААН-ниң "Каа-Хем" хөмүрдаш уургайы-

Чылыг, чырык

ӨРЕЛЕР ОБЩАДЕЛЕТПЕЙИ ТУРАР

чуртталга бажыңнарын, албан черлерин, бүдүрүлгелерин, организацияларны чылыг-биле хандырышта дүвүредип эгелээн. Чамдык школаларны хаарынга чедир айтырыг тургустунуп, чамдык кижилер чылыг дээш төлевир төлевес бис деп айтырыгны база көдүрүп турар апарган.

да өреси 50 млн. рубль чедип турар. Бир эвес хоойлу езугаар алыр болза, "Каа-Хем" хөмүрдаш уургайы "Тываэнерго" ААН-ге хөмүрдашты бербейн барып болур юридиктиг эрге тургустунуп келген.

"Тываэнерго" ААН-ниң парламента албанының медээзи-биле алырга, октябрь айның төнчүзүнде ТР-ниң Чазаның Даргазынче, Кызыл хоорайның чагыргазынче бүдүрүлгедэ тургустунуп келген берге байдалдың дугайында бижимел дыңнадышкынын кириген. Ол дугайында республика прокуратурунун 1-ги оралакчызы М.Санчайга база дыңнаткан болуп турар. Бир эвес хоорай чагыргазы энергетиктерге өренин дарый төлевес болза, эң албалдыг хемчеглерни алырын база дыңнаткан.

Бурган чаяганындан Кызылдың ЧЭТ "Каа-Хем" хөмүрдаш уургайының шуут-ла чанында турар. Ол хиреде кызылчыларның доңуп ораы дээрже ажыл-агыйжы эвес, харысалга чок кижилерниң ажылының түңнелидир. Тургустунуп келген айтырыг талазы-биле "Тываэнерго" ААН-ниң чингине директору А.И.Верзаков чоокку үеде массалыг информация чөпсектериниң ажылдакчылары-биле парламента конференциянын эрттиреринге чөпшээрелин берген.

Сергей ХЕРТЕК.

Номчукчу солун дугайында

БАДЫТКАЛЫ ОЛ

Мээң эң баштай чагыткан солунум — "Шын". Мен 1935-36 чылдарда эге чада школазынга өөренип турган болгаш латин бижикти "сааладыр" номчуур, бижир-даа апарган мен. Ынчангаш ачам-даа, кады-кожа аалдарның ээлери "ону-мону номчу" дээш амыратпас турган.

Ынчангы мурнакчы кижилер эртем-билиг, үжүк-бижик өөредилгези, черле чаа чүүлдерни билип алырынга дыка сундулуг, бүгүдени билип алыксаар турган болгаш бижик-билиг бар-даа, чок-даа болза, чагыдылгалыг турган. Аныктар "Тываның аныктарын", школачылар "Сылдычыгашты" чагыдар, кижилер бөрүзү чагыдылгалыг турзун дээш бан, суму даргалары, ылангыя партия эге организациялары, улуг ажылды чорудуп турган. Мен база оон киржикчизи, эркен төөгүнүң херечизи болганымда, өөрүп-даа чоруур-дур мен.

Республиканың Парлалга болгаш массалыг информация талазы-биле күркомитеди бүтүлө бар солуннарының редакторлары, ном үндүрер черниң даргазы, чогаалчылар бир баг бооп чыгылып алгаш, Таньды, Би-Хем кожууннарга чагыдыкчынын хүнерин эрттирип эгелээни экидир. Бо баштайгы оралдажышкынын номчукчулар-даа, чагыдыкчы-даа үнелеп көрүп турар. Ол эки эгелээшкынниң оруу делгем болуп, чогаадыкчы ди-

лээшкыннер өзүп-ле турар болзун деп йөрээр-дир мен.

Номчукчу кижилер бодунуң амыдыралында кандыг-ла-бир айтырыгны сонургап, харызынын дыңнаксаар, өөредилгиг чүүлдерни тып алырын кызыдар. Ону өг-бүлеге, эш-өөрүңге-даа сүмөлөп, амыдыралга деңнештирип, бодунга түңнел үндүрүп чоруур. "Кандыг чагыдыкчыны бодумче эргилдирип алыр чоор" дээн бодалдыг солуннар республикада хөйү-биле үнүп турар, хуу-даа солуннар бар апарган.

Ынчангаш "езулуг шынны кайыын тыпса экил, кымның-биле сүмөлөшө экил" деп күзел-биле көдээ чон "Шынны" хөйү-биле чагыдып турарының ужуру-даа ында. "Шынның" болгаш өске-даа тыва дылга үнүп турар солуннарының тиражын улгаттырары чөптүг херек. "Шын" солун бир неделяда 4 катап үнүп турар болза, дыка-ла эки ийик деп бодаар мен.

Черле ынчаш солуннар чагыдылганын, тыва дылда чаа номнар садыглаашкынын экиждер херекке хөй-ниити, бүгү чергениң депутаттары, чагырга даргалары парламента ажылдакчылары-биле бир демниң ажылдаза, ажыл-херек бүдүнгүр, көскү, билдингир болурун чагыдыкчының эрткен хүнери безин бадыткап турар-дыр.

Роман ХУНАЙ-ООЛ.

Ак-Турут суур.

ТР-ниң Улуг Хуралының Төлээлекчилер палатазында

КОМИТЕТТЕР ХУРАЛДАРЫ

Улуг Хуралдың Төлээлекчилер палатазының Социал политика талазы-биле комитетинин (даргазы С.М. Ооржак) хуралынга Улуг Хуралдың Хоойлу-жулугла палатазынын кирип келгени "РФ-тиң социал камгалал фондузунуң Тыва Республикада девискээр салбырының бюджетиниң дугайында" Тыва Республиканың Хоойлузунга өскерилгелер кирип дугайында", "РФ-тиң социал камгалал фондузунуң Тыва Республикада девискээр салбырының 2002 чылда бюджетиниң күүселдизиниң дугайында", "ТР-ниң Улуг Хура-

лының Төлээлекчилер палатазының Хүндүлел бижиниң дугайында" хоойлу төлөвилелдерин чугаалашкан.

Палатаның Хөй-ниитиниң айыыл чок чоруунун, корум-чурум болгаш кызыгаар айтырыгларның талазы-биле комитетинин (даргазы В.О. Тарыма) хуралынга "Тыва Республиканың Чазаның дугайында" ТР-ниң Конституция хоойлузунун, "Тыва Республикага тус черниң референдумунуң дугайында" ТР-ниң хоойлузунун төлөвилелдерин чугаалашкан.

Өнчү-хөреңги, экономика

политиказының болгаш сайгарлыкчы чорук айтырыгларының талазы-биле комитетинин (даргазы Р.М.Соян) хуралынга "РФ-тиң орук фондузунуң Тыва Республикада девискээр эргелиниң 2003 чылда бюджетиниң дугайында" ТР-ниң Хоойлузунуң 2003 чылдың бирги чартыында күүселдизиниң дугайында хоойлу төлөвилелин чугаалашкан.

Комитеттер хуралдарында өске-даа айтырыгларны чугаалашкан.

Улуг Хуралдың Төлээлекчилер палатазының парламента албаны.

Соңгулдалар — 2003

“РОДИНА”

(Народно-патриотический союз)

БЛОК ДЭЭШ



Сергей ГЛАЗЬЕВ



Дмитрий РОГОЗИН



Валентин ВАРЕННИКОВ

бадылаңар!

(Халас үндезинге парлаан).



СӨӨЛГҮ ШАКТА

❖ Президент В.Путин Чепсектиг күштерниң 500 шериг начальниги удуртур состав-биле ужурашкан. Аңаа шериг реформазының айтырыын, 2007 чылдың төнчүзүнге чедир шеригниң чартык кезиин керээ-биле албан эртиреринче шилчидерин чугаалашкан, ола ужуражышкыга камгалал сайыды Сергей Иванов шериг начальнигтерин, ылангыя ужал чүүл удуртукчуларын, ужудукчу кадрларны багай белеткеп турары дээш шыңгыы шүгүмчүлээн. В.Путин Чепсектиг күштерниң хоочуннары-биле ужурашкыш, Улуг Тирилелгенин 60 чылын бедик деңгелге демдеглээринин эргежок чугулазын айыткан.

❖ Украинаның президентизи Леонид Кучманы эмнелгеге чыттыргаш, ооң чингешөйүндүзүнге кезишкенин кылган. Ам ооң кадының байдалы эки.

❖ Суданның мурнуу чүгүнге Хартум болгаш Бау хоорайларның аразында АН-24 самолет чура дүшкөн. 13 кижиле өлгөн. Моон мурнунда ол халапка россия хамааты өлгөн деп дыңнадыг бадыткаттынмаан,

самолетту башкарып чораан армян 4 ужудукчу өлгөн.

❖ Карелияның Беломорск хоорайда чылыг дамчыдылгасы баксыраанындан школаларны хагган, каш муң кижилер чылыг чок арткан. Чазак онза байдалдар чарлаарының кырында келген. Чылыг четкизин септээр орунуга чаарты тудары ажыктыг хире байдал тургустунган.

❖ Күрүне Думазының депутаттары Росагроулетпүр корпорацияның саң-хөө ажылын хынаар негелдени Россияның прокуратуразына тургускан. Бюджет акшаландырышкыны 10 млн. рубльди соора ажыглап, ону РФКП-ниң соңгулда кампаниязынга ажыглап турар деп медээ кирген.

❖ Санкт-Петербуртта одалгага ажыглаар мазут суг дамчыдылгасынче кирер айыыл тургустунган. Подстанция ажылдакчылары 2 неделя дургузунда өскээр төгүлгөн 20 тонна хоранныг бүдүмелдерни чыгган.

❖ АКШ-тың президентизи Дж.Буш Лондонга албан чоруу кылып чеде бээрге, улгады берген назылыг бир херээжен: «Силерни маңаа келиринче чалаваан улус болгай бис. Хей

чарыгдал үндүрүп хейле келген-дир силер» деп алгырган. Каргаашкыны дыңнавазын дээш каргыс шагдаалар ук угбайны дуй туруп алганнар.

❖ Россия чурукчу Айвазовскийниң даштыкы чурттарда чуруктарын аукционга садып турар, ооң Турцияга чураны бойдус чурумалын 80.000 долларга саткан.

❖ Украинаның Черномын суурда шаг-төөгүде туткан школазын чаңгыс-даа катап септөөзөн. Септелге кылырын суур чагыргазындан дилээрге, акша чогулга сылдаглап каар. Аңаа бужарзынган, АКШ-тың Ак бажыңыга демей ол школаның коллективи септелге кылыр 1 миллион доллар бээрин Дж.Буштан дилээн. Канчап билер аа, бериптер чүве ирги бе?

❖ Делегейниң 13-кү чемпиону Гарри Каспаров компьютер-биле шыңгыы демисежип, бүгү күжүн үндүрүп тургаш, хайым болган. Чемпионнун болгаш компьютерниң аразында 4 салыг эрткен. Баштайгы салыгга олар хайым болган, ийиги салыгга Каспаров уттурган, үшкү салыгга хайым. Дөрткү салыгга Каспаров уткан. Сан 2:2 болган. Каспаров 125 муң доллар шаңналды алган.

(Агентилелдер мелээлеринден).

Кысказы-биле

Төлээпеп киришкеш...

Ноябрь 14-15 хүннеринде Мальта ортулуктуң Валлетта хоорайга биче буурай чурттарның спортчуларының аразында хостуг хүрешке Европа чемпионнады болган. Ук маргылдаага РФ-тиң шилиндок командазының кезигүну Буян Биче-оол, Чечен-оол Монгуш Тываны төлээпеп киришкеш келген. 58 кг деңзиге чедир мөгелер аразында Буян Биче-оол бирги черни, Чечен-оол Монгуш ийиги черни чаалап алганнар.

Батый КЕНЕШ.

Кадыкшып дугайында

Ноябрь 3-тен 25-ке чедир республиканың педиатр эмчилериниң семинары болуп турар. Элээди назылыг уругларның кадыкшыл байдалының дугайында өөредилгелерни Новосибирскиниң медицина академиязының 5 профессорлары болгаш эмчилери чорудуп турар. Семинарда кожууннардан 30 хире уруглар эмчилери база өске-даа күзелдиг эмчилер келген.

Чырык адынга

Эрткен дыштаныр хүннерде автоорук техникумунуң спорт залында ИХЯ-ның сайыдынын

оралакчызы, милицияның полковниги, шылгарангай спортчу чораан Дадар-оол Комбуевич Кууларның чырык адынга тураскааткан хоочуннар аразында хол бөмбүүнге маргылдаалар болган. Маргылдааны Дадар-оол Комбуевичиниң дөргүл-төрелдери, эш-өөрү болгаш суд приставтары организаптап эрттирген.

Маргылдааның түңнелинде бирги, ийиги, үшкү черлерни Улуг-Хем кожууннуң, Юстиция яамызының болгаш Сүт-Хөл кожууннуң хоочуннарының командалары ап, 6-4-3 муң рубль-биле тус-тузунда шаңнаткан.

Бистинь корр.

Өөредилгени чоруткан

Кызыл хоорайның хамааты камгалал болгаш онза байдалдар эргелелинге ноябрь 13-14-те комплекстиг хыналданы чоруткан. Ооң иштинде «Кызыл хоорайны тайбың үеден дайын байдалынче шилчидери база диверсия (дээрбечи чорук) болган соонда профилактиктиг ажылдарны чорудары» деп темалыг командьлал-штабтыг өөредилге болуп эрткен. Онза байдалдар яамызының парламента албаны.

Хайгаарал төвүндө

Кызыл кожуунда уругларның социал хайгаарал төвү 1996 чылдан эгелеп ажылдап эгелээн. Ооң кол сорулгазы—уругларның хайгаарал чок артпазын чедип алыры-биле арагалаар, уруг-дарьынче кичээнге салбас, оларны каапкаш чорупкан ада-иелер-биле ажылды чорудары.

ЧАШТАРНЫҢ САЛЫМ-ХУУЗУ ДЭЭШ

Ниитизи-биле төпте 15 орун бар. Чыл эгезинден бээр хөй ажы-төлдүг 512, долу эвес 202, чединмес 121 өг-бүлелерден 2000 кижини хайгааралга алган, оларның 940-и назы четпес уруглар болуп турар. Социал-экономиктиг 445, эмчилик, педагогтарның 280, психологтарның 122, башкыларның 393, эрге-хоойлу талазы-биле 223, амыдырал хандырылганың 607 база 20450 рубльге төлевирлиг ачылдуз чедиртинген.

кадыкшылын быжыглап, хостуг үезинде оларны дааранып, аргыттынарынга өөредип турар. Школа назыны четпээн уругларны өөренип киреринге белеткел

турар. 2002 чылда бо оолдун авазы чок апарган, а адазы каапкаш чорупкан. Азиатка документилер кылдырар дээш төптүң ажылдакчылары дыка

лог башкы чогуңдан ажылга шаптараазыңнар таваржып турар. Уругларның удуп, дыштанып, ойнап, кичээлдээр өрээлдери чедишпес, тар. Федералдыг

дептер чедишпейн турар. Ындыгдаа болза, найыралдыг коллектив кышкы ыяш, хөмүрүн четчир шаа-биле дүжүрүп алган күженишкинниг ажылдап турары



Тренажер кылып өрээлде кичээл үези.



Төптүң бөлүк ажылдакчылары.

15 тускай эртемниг кижилер уруглар ортузунга кижизидилге ажылын чорудуп турар. Бо коллективти Вера Самбуевна Шарбии билдилип удуртуп келген. Килдис эргелекчизи Бичел Дөтпеевна Ооржак төптүң кижизидилгеже угланган ажылын харыылап турар. Эмчи Анчымаа Шаракбюевна Сонам-Байыр уругларның болгаш элээдилерниң кадыы дээш шудургу ажылдап келген. Төпке эккелген кичи бүрүзү бир-ле дугаарында бо эмчилик хыналдазы-биле эртер. Кадыкшыл байдалын шинчип көргөн соонда, бир эвес херек болза, ол эмнээшкенин чорудуп, өг-бүлелерниң паспорттарын тургузуп, социал хыналдаларны эртирип, ачы-дузаны уругларга чедирип турар.

ажылдарын чорудуп, долгандыр турар байдалга канчаар бодун алдынарын өөредип турар.

хөй үе чидиргенин чугаалап турдулар. Ам ноябрь айдан эгелеп ол пенсия акшазын ап эгелээр. Боду кежээки школаның 6-гы класында өөренип турар.



Даараныр мастерскаяда.

Төптүң башкылары өг-бүлелерниң кежигүн бүрүзү-биле тускай чугааны чорудуп, оларга психологтук база эрге-хоойлу талазы-биле сүмелерни берип турар. Уругларның хостуг үезин чөп ажыглаары-биле янзы-бүрү экскурсияларны организаптап, библиотека, театрже база культура, спорт төптеринче барып, солун кижилер-биле ужуражылгаларны эртирип турарлар. Динамиктиг сула шимчээшкенин тренижерларга кылдырып, уругларның

Бо эртип турар 2003 чылда 66 уруглар бо төптү дамчыштыр эрткен. Оларның 14-үн иштиги херектер килдизи, 36-зын төптүң ажылдакчылары, 16 уругларны ада-иезиниң киирген билдириши-киннерин езугаар хүлээп алган. Назы-хар аайы-биле алырга: 3-тен 7 хар чедир—14, 7-ден 10 хар чедир—28, 10-дан 14 хар чедир—24 уруглар болуп турар.

10 харлыг Женя Ооржак мында ам 10 ай чеде берген. Ол Көк-Тей эге школазының 4-кү класында өөренип турар. Оолдун иези тоянчылап, шагдаа ажылдакчыларыңа туттурбайн чоруп турар, адазының сураа Бай-Хаакта дыңналып турар. Ынаар төптүң ажылдакчылары тускай бижикти чорударга-даа, харыы сураг. Мындыг салым-хуулу чаштарны төптүң кижизидикчилериниң ажаап, эмнеп, кижизидип, өөредип чоруурунга канчап өөрүвес боор. Чаштарның салым-хуузу дээш буянныг-ла ажил-үүлени ынчалдыр бүдүрүп чоруурлар.

бюджеттен акшаландырыышкын кээп турарыңдан аш-чем, дериг-херексел четчир-даа болза, уругларга идик-хеп, ном-

өөрүнчүг. Римма ЧАВЫНЧАК. Василий БАЛЧИЙ-ООЛДУҢ тырттырган чуруктары.



Бөгүн — Бүгү-делегейниң таакпыдан ойталаар хуну

БОДУЦАРНЫ ХОРАНАВАЙН КӨРҮҢЕР

Чылдың-на ноябрь айның үшкү четверг хунун бүгү делегейге таакпыдан ойталаарының хуну кылдыр демдегледип турар.

эвээш эртип, эът-шыңганнарга, еске иштиги органнарга килород эвээжээр, оларның ажылдаары баксыраар.

Таакпы тыртпас кижиниң чүрээ-биле деңээрге, таакпылаар кижиниң чүрээ бир хонукта 12-15 муң чыгырлышкынны артыкка кылып. Чүрек ындыг артык ажылды чыл-чылы-биле кылып тургаш, дамырлары чыгырлып, чингелеп, ооң-биле хан эртери бергедээр. Ынчангаш чүректин ажылдаары баксырап, ооң хавы херлир аарыг тыптыр.

хожудаңгай база болуп болур. Ынчангаш херээжен кижилер таакпылаар багай чаңчылга алыспас болуру дыка күзенчиг.

наркомания дыка айыылдыг, өлүмнүг аарыг-дыр. Оон адырлыры дыка берге.

Чүге дизе таакпылаары кадыкшылга хоралыг, ооң-ыжында 500 ажыг янзы-бүрү химиктиг бүдүмелдер бар, оларның 30 хирези хоран шынарлыг. Оңа айыылдыг бүдүмел никотин бооп турар. Хүн бүрүде бир хап сигарета тыртып турар кижиниң организмге чыл дургузунда 700-800 грамм рак деп аарыг тывылдырар КУЗУМ кирип турарын эртемденнер санап тодараткан. Оон ыңай полоний деп база айыылдыг бүдүмел бар, ол өкпеге, баарга мөөңнелип артып калыр.

Сөөлгү үеде делегейде өкпе аарыг көвүдөп турар. Бистиң республикада база ындыг аарыглыг улус хөй. Эртемденнер өкпе аарыг, хоочураан бронхит, рак деп аарыглар үр чылдарда таакпылап чораан улустун аразында хөй деп демдегледип турарлар. Таакпылаарга мага-ботка 25 хире аарыглар тыптып болур, а бар аарыглар нарыыдап хоочураар, эмнеттинмес чадаже шилчиир.

Эмчилер даван-даактың хан кучугар аарыгын таакпылаар кижилерниң аарыг деп санап турар. Ол аарыг буттун хан дамырларын өскерттир, чамдыкта хан дамырлары муңгашталып, ооң-биле хан эртпестеп каар. Ол дээрге гангрена деп аарыг болур. Чамдыкта аарыг кичи будундан чарлып, улуг кезишкениге таваржыр.

Таакпылаар улус оларны долгандыр турар чаштарны, кырганнарны, дөргүл-төрелин, эш-өөрүн хораннап турарлар.

Россияга 2002 чылда эмчилерниң чоруткан шинчилелдери-биле алырга, үш оолдарның бирээзи беш уругунун бирээзи таакпылаар болуп турар. Хүннүн-не таакпылап чоруурларның 30 хуузу — оолдар, 15 хуузу — уруглар. Оолдар 10 харлыында-ла таакпылап эгелей бээр болуп турар.

Папиросту кыпсып алгаш, тыртып турар үеде угаарлыг хей (газ) ылгалыр. Ол хей ханның тыныш пигментизи—гемоглобинни борбакталдырар шынарлыг. Ынчангаш ханга карбоксигемоглобин деп бүдүмел тыптып келгеш, хан-дамыр органнары-биле гемоглобин

Хөй санныг шинчилелдер мындыг байдалды илереткен. Сигарета тырткан соонда хоралыг бүдүмелдер чүрек шыңганын кончуг дүрген ажылдаар кылдыр албадаптар, чүректин чыгырлышыкыны дүргедээр, хан базыышыкыны бедиир.

Херээжен улус, эн ылангыя бичи уругларлыг болур деп турарлар, таакпылаарга, боттарыңга болгаш чаш уруунга багай салдарлыг. Чаш кичи кошкак, деңзизи четпес бооп төртүтүнөр. Оон кедерезе мээ-медерели

Өөреникчилер хөй таакпылаар болза, билиг шингээдип алырыңа шаптыктаар. Бир кижиниң таакпызын дилеп, бир эжинден таакпы артынчызы тыртып чорааш, чыдыг чашпан холуп каан наркотиктиг таакпыга таваржып, наркоман болу берип болур.

“Чүге таакпылап турар сен? — деп айтырыгга, олар: “Өөрени берген мен, таакпыны каап шыдавас мен”, “эш-өөрүм таакпылаар, ынчангаш кады таакпылаар мен”, “улуг улус дег болуксап чор мен” деп харыылаарлар.

Таакпыны бо хүнден-даа эгелеп тыртпайн барып болур, а

Чуртталгада таакпыдан артык ажыктыг, солун чүүлдер хөй болгай: спорт, туризм, маргылдаалар, конкурстар, янзы-бүрү ужуражылгалар. Аныяктарның мурнунда эң кол чүүл — өөредилге, тускай эртемни чедип алгаш, эки ажылдап, чурттаары.

Таисья ДАВАА, республиканың аарыгларга удур ажыл чорудар төвүнүн килдис эргелекчизи.

